

**CARDIFF**  
UNIVERSITY

PRIFYSGOL  
**CAERDYDD**

**GWEITHDREFNAU AR GYFER  
GWNEUD CAIS, CYFLWYNO AC  
ARHOLI PhD DRWY WEITHIAU  
CYHOEDDEDIG**

<b>Teitl Y Ddogfen</b>	Gweithdrefnau ar gyfer gwneud cais, cyflwyno ac arholi PhD drwy Weithiau Cyhoeddus
<b>Fersiwn</b>	3.0
<b>Dyddiad Dod I Rym</b>	01.08.2023
<b>Cysylltu</b>	Llywodraethu Addysg (PGR Ansawdd a Gweithrediadau)
<b>Perchennog Y Ddogfen</b>	pgr@caerdydd.ac.uk
<b>Rheoleiddio Rhiant</b>	Rheoliadau ar gyfer PhD drwy Waith a Gyhoeddir
<b>Dogfennau Cysylltiedig</b>	Rheoliadau Asesu Gradd Ymchwil Y Polisi A'r Weithdrefn Ar Gyfer Penodi Byrddau Arholi Graddau Ymchwil (Arholiad Viva) Polisi a Gweithdrefn ar gyfer Cynnal Arholiadau Gradd Ymchwil

### **Cydymffurfio â Disgwyliadau ac Ymarferion Craidd Côt Ansawdd diwygiedig y DU ar gyfer Addysg Uwch.**

Mae'r weithdrefn hon yn cydymffurfio â Disgwyliadau ac Ymarferion Craidd Côt Ansawdd y DU ar gyfer Addysg Uwch:

<b>Disgwyliadau ar gyfer Safonau</b>	<b>Disgwyliadau ar gyfer Ansawdd</b>
Mae safonau academaidd cyrsiau yn bodloni gofynion y fframwaith cymwysterau cenedlaethol perthnasol.	Mae cyrsiau wedi'u dylunio'n dda, ac yn rhoi profiad academaidd o safon uchel i bob myfyriwr, ac yn galluogi ffordd ddibynadwy o asesu cyrhaeddiad myfyriwr.
Mae gwerth y cymwysterau a ddyfernir i fyfyrwyr wrth iddynt gymhwyso a dros amser, yn unol â'r safonau a gydnabyddir gan y sector.	O gael eu derbyn hyd at gwblhau, caiff yr holl fyfyrwyr y cymorth sydd ei angen arnynt i lwyddo mewn addysg uwch, ac elwa ohono.
<b>Arferion Craidd o ran Safonau</b>	<b>Arferion Craidd o ran Ansawdd</b>
Mae'r darparwr yn gwneud yn siŵr bod y trothwy o ran safonau ar gyfer ei gymwysterau yn cyd-fynd â'r fframweithiau cymwysterau cenedlaethol perthnasol.	Mae gan y darparwr system derbyn sy'n ddibynadwy, teg ac yn gynhwysol.

Mae'r darparwr yn defnyddio arbenigedd allanol, prosesau asesu a dosbarthu sy'n ddibynadwy, teg ac yn dryloyw.	Mae gan y darparwr staff cymwysedig digonol sy'n meddu ar sgiliau i roi profiad academaidd o safon uchel.
	Mae gan y darparwr staff cymwysedig digonol sy'n meddu ar sgiliau i roi profiad academaidd o safon uchel.
	Pan mae'r darparwr yn cynnig graddau ymchwil, mae'n cyflwyno'r rheini mewn amgylcheddau ymchwil perthnasol a chefnogol.
<b>Arferion cyffredin o ran Aafonau</b>	<b>Arferion cyffredin o ran Ansawdd</b>
Mae'r darparwr yn adolygu ei arferion craidd ar gyfer safonau yn aml ac yn defnyddio'r canlyniadau er mwyn ysgogi gwelliannau.	Mae'r darparwr yn adolygu ei arferion craidd ar gyfer ansawdd yn aml ac yn defnyddio'r canlyniadau er mwyn ysgogi gwelliannau.
	Mae dulliau'r ddarparwr tuag at rheoli ansawdd yn ystyried arbennigedd allanol.
	Mae'r darparwr yn ymgysylltu â myfyrwyr yn unigol ac ar y cyd yn natblygiad, sicrwydd a gwelliant ansawdd eu profiad addysgiadol..

## **Camau ar gyfer gwneud cais, cyflwyno ac arholi PhD drwy Weithiau Cyhoeddedig**

### **1. Datganiadau Cyffredinol**

- 1.1 Mae'r camau hyn yn gymwys ar gyfer ymgeiswyr am PhD drwy Weithiau Cyhoeddedig yn unig.
- 1.2 Mae'r meini prawf cymhwysedd, y cyfnod astudio a diffiniad 'gweithiau cyhoeddedig' wedi'u cynnwys yn y Rheoliadau ar gyfer PhD drwy Weithiau Cyhoeddedig.

### **2. Gwneud cais ac Asesiad Rhagarweiniol**

- 2.1 Dylai darpar ymgeisydd ar gyfer y PhD drwy Weithiau Cyhoeddedig nodi'r Ysgol fwyaf perthnasol ar gyfer cofrestru, a gwneud cais ysgrifenedig i Bennaeth yr Ysgol honno.
- 2.2 Mae'n rhaid i'r cais ysgrifenedig gynnwys yr elfennau canlynol:
  - .1 y maes pwnc y mae eich cyfraniad i ysgolheictod yn perthyn agosaf iddo;
  - .2 y gweithiau cyhoeddedig rydych yn bwriadu eu cynnwys yn y cyflwyniad;
  - .3 pan mae unrhyw weithiau sydd wedi'u cyd-ysgrifennu neu eu cyflawni ar y cyd wedi'u cynnwys, datganiad o'ch cyfraniad personol tuag at y gweithiau hynny;
  - .4 crynodeb beirniadol byr, sy'n gosod y gweithiau cyhoeddedig mewn cyd-destun, yn dangos eu cydlyniant ac yn nodi'r cyfraniad at ddatblygiad gwybodaeth a gynrychiolir ganddynt: ni ddylai'r crynodeb beirniadol byr fod yn fwy na thudalen o hyd.
- 2.3 Mae'n rhaid cynnwys y gosodiadau a'r datganiadau canlynol yn y cais hefyd:
  - .1 nid yw'r cais arfaethedig wedi cael ei gyflwyno, neu nid yw'n cael ei gyflwyno, ar gyfer unrhyw radd neu ddyfarniad mewn unrhyw brifysgol neu fan dysgu arall;
  - .2 pa rannau (os o gwbl) o'r gwaith neu'r gweithiau y bwriedir eu cyflwyno sydd wedi'u cyflwyno o'r blaen ar gyfer cymhwyster arall;
  - .3 na fydd y gwaith neu'r gweithiau, hyd nes y bydd canlyniad y cais presennol i'r Brifysgol yn hysbys, yn cael ei gyflwyno ar gyfer unrhyw radd neu ddyfarniad arall.
- 2.4 Bydd Pennaeth yr Ysgol neu ei (h)enwebai yn pennu a ddylech gael caniatâd i gofrestru ar gyfer gradd PhD drwy Weithiau Cyhoeddedig. Bydd Pennaeth yr Ysgol/enwebai yn gwneud y penderfyniad hwn ar sail asesiad cychwynol o'r gweithiau arfaethedig.

### 3. **Cyflwyniad**

- 3.1 Mae'n ofynnol i chi gyflwyno 3 chopi o'ch cyflwyniad i Bennaeth yr Ysgol/enwebai at ddibenion arholi.
- 3.2 Mae'n rhaid i'r cyflwyniad gynnwys:
- .1 crynodeb heb fod yn fwy na 300 gair;
  - .2 rhestr o'r gweithiau a gyflwynir, gyda thystiolaeth o'u statws fel gweithiau cyhoeddedig;
  - .3 datganiad o hyd a lled eich cyfraniad i unrhyw weithiau sydd wedi'u cyd-ysgrifennu, a phob cyd-awdur i gadarnhau hynny;
  - .4 y gweithiau cyhoeddedig sydd i'w harholi;
  - .5 sylwebaeth feirniadol, fel y disgrifir isod.
- 3.3 Mae'n rhaid i'r sylwebaeth feirniadol fod rhwng 8,000 a 10,000 o eiriau. Ei ddiben yw gwerthuso cyfraniad y gweithiau cyhoeddedig at hybu'r ddisgyblaeth, a galluogi arholwyr i asesu'r cyflwyniad yn erbyn meini prawf gradd ddoethurol.
- 3.4 Gall y cyflwyniad fod ar ffurf copi caled neu ddigidol, yn unol â fformat ac arddull y cyhoeddiadau.
- 3.5 Dylech gyflwyno naill ai 2 gopi caled o'ch cyflwyniad i Bennaeth yr Ysgol/enwebai i'w harholi, neu un copi digidol.
- 3.6 Lle mai copi caled yn unig sydd ar gael, dylid gwneud y cyflwyniad fel un ddogfen wedi'i rhwymo pan mae hynny'n bosibl, ond pan gyflwynir llyfr(au) cyfan, dylid eu cyflwyno ar wahân yn eu fformat gwreiddiol.
- 3.7 Mae'n rhaid i 'Ffurflen Hysbysiad o Gyflwyno' gyd-fynd â'r cyflwyniad.

### 4. **Arholiad**

- 4.1 Bydd Pennaeth yr Ysgol/enwebai yn trefnu bod Panel (sy'n cynnwys Pennaeth yr Ysgol/enwebai, cynhorydd(ion) yr ymgeisydd ac un asesydd mewnol arall) yn adolygu'r cyflwyniad er mwyn penderfynu a ddylid ei gefnogi i gael ei dderbyn i'w arholi.
- 4.2 Caiff PhD drwy Weithiau Cyhoeddedig a dderbynnir i'w arholi ei asesu'n unol â'r canlynol:
- .1 Rheoliadau Asesu Gradd Ymchwil
  - .2 Y Polisi a'r Weithdrefn ar gyfer Penodi Byrddau Arholi Graddau Ymchwil (Arholiad Viva)

.3 Polisi a Gweithdrefn ar gyfer Cynnal Arholiadau Gradd Ymchwil.

4.3 Nid yw unrhyw gyfeiriadau at draethawd ymchwil wedi'i ail-gyflwyno'n gymwys ar gyfer y PhD drwy weithiau cyhoeddedig.

5. **Ar ôl yr arholiad**

5.1 Dylech gyflwyno dau gopi caled o'r cyflwyniad a gymeradwywyd gan yr arholwyr, a fydd yn dod yn eiddo i'r Brifysgol

5.2 Bydd Cynullydd y Bwrdd Arholi'n trefnu bod un copi o'r cyflwyniad yn cael ei roi yn Llyfrgell Prifysgol Caerdydd, ac un copi yn Llyfrgell Genedlaethol Cymru.